

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-229/10
Vareš, 29.11. 2010. godine

Z A P I S N I K
*s 22. sjednice Općinskog vijeća Vareš,
održane 22.09., 27.10. i 09.11. 2010. godine*

Milan Knežević – zamjenik predsjedavajućeg Općinskog vijeća Vareš, otvorio je 22. sjednicu s početkom u 9 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutna vijećnica. Jelena Kuhač Odenwald.

Pored vijećnika sjednici prisustvuju: općinski načelnik Hamdo Fatić, tajnik Općinskog vijeća Leon Pavlović, pomoćnici općinskog načelnika, šef odsjeka za financije i računovodstvo Boro Anđić, predsjednici političkih stranaka, regionalni koordinator GAP- a Zlatan Musić i zamjenik predsjednika MZ Ravne Hrvat Salih.

Tajnik Općinskog vijeća izvijestio je Vijeće o realizaciji Zaključaka s prošle sjednice Vijeća i dostavljenim odgovorima na vijećnička pitanja. OV je donijelo 2 zaključaka i 1 prijedlog. 2 zaključka su u toku realizacije i očekuje se da se isti realiziraju. Sa prijedlogom je upoznat općinski načelnik i poduzete su određene aktivnosti po tom prijedlogu koji je donesen na prošloj sjednici OV. Na 21. sjednici OV postavljeno je 7 vijećničkih pitanja i na svih 7 postavljenih vijećničkih pitanja podnosioci su dobili odgovor u pisanoj formi, tako da nije ostalo ni jedno vijećničko pitanje na koje nadležne službe nisu dale pismeni odgovor.

Općinski načelnik Hamdo Fatić izvijestio je Vijeće o aktualnoj problematici na području općine Vareš. Upoznao ih je da su radovi na regionalnom putu u iznosu od 200.000 KM za ovu godinu završeni. Potpisan je ugovor za izvođenje radova na lokalnom putu Očevija – Mižnovići, sredstva su iz Kantona i dobiti GSM-a u iznosu od 294.000 KM, postupak za ostala sredstva su iz Fonda za povratak, odnosno Ministarstva za ljudska prava je u toku. Ugovori su potpisani i za lokalni put Striježevo – Kokošćići i lokalni put Pržići – Daštansko. Za lokalni put Striježevo – Kokošćići sredstva iz Kantona su u iznosu od 100.000 KM, a za drugih 100.000 KM postupak je u toku i to su sredstva iz Fonda za povratak. Radovi u MZ Borovica, iz kapitalnih ulaganja iz prošle godine, završeni su ovih dana. Općinski načelnik također je upoznao Vijeće da je dana 21.09. 2010. godine zvanično otvorena OŠ „Vareš“ u Varešu i da je američki ambasador posjetio našu Općinu i naš grad.

Zamjenik predsjedavajućeg, pozvao je vijećnike koji su dobili odgovore na postavljena vijećnička pitanja na prošloj sjednici, a koji nisu zadovoljni odgovorom, da se izjasne o istim.

Elvir Rožajac – nije zadovoljan sa odgovorom koji je dobio na postavljeno pitanje sa 21. sjednice OV, a koje se odnosi na rad javnog WC na platou pijace, traži da se ponovo odgovori.

Ismet Abdulahović – nije zadovoljan odgovorom postavljenim na 20. sjednici OV u vezi natkrivanja autobuskih stajališta na području općine Vareš i sa odgovorom postavljenim na prošloj sjednici OV u vezi postavljanja jednog ogledala u V. Majdanu – Prnjavor u ulici koja ide prema stadionu NK Vareš, traži da mu se na ova pitanja ponovo odgovori.

Mario Mirčić – nije zadovoljan odgovorom postavljenim na prošloj sjednici OV koje se odnosi na realizaciju projekta javne rasvjete za naselja Kolonija i Pržići

(Vijećnička pitanja)

Džemo Kevrić

1. Traži da Izvršna vlast na čelu sa načelnikom općine dostavlja odgovore na vijećnička pitanja. Traži odgovor u pisanoj formi?

Željko Matić

2. Traži da se riješi problem porušenih saobraćajnih znakova na putu od „Šarene kuće“ do „Salaša“ . Posebno napominje porušeni znak ograničenja brzine na ulazu u Vijaku, jer je u blizini škola?
3. Traži da se riješi problem divljih životinja u MZ Vijaka, jer prčinjavaju štete stanovništvu?

Elvir Rožajac

4. Koliko treba proći vremena da se konačno jednom opere grad, posebno misli na plato pijace poslije pazarnog dana?
5. Šta se čini sa parkiranim autima sa obadrije strane ceste u ul. Put mira?

Tajiba Brkić

6. Da li se može popraviti centralno grijanje u SŠC „Nordbat 2“ , kako bi se stvorili normalni uslovi za rad?
7. Da li se u Mjesnim zajednicama mogu odrediti lokacije koje bi služile kao igralište za djecu?

Ismet Abdulahović

8. Traži da općinski načelnik poduzme sve što je u njegovoj nadležnosti da se hitno uklone psi lualice sa ulica, naglašava da i u MZ Dabravine postoji isti problem?

Jelena Zlobec

9. Da li će se nastaviti sa popravkom stepeništa u V. Majdanu u naselju Josipa Čupke?

Nikola Šimić

10. Traži da se riješi problem javne rasvjete u naselju Jušići, Matijevići i Benići?

11. BH Telecom je završio radove u dijelu ulice Jušići. Dogovoreno je da se taj dio asfaltira. Traži od općinskog načelnika da preuzme radnje koje su već ugovorene i da se ta ulica do zime asfaltira?

Mato Pavić

12. Traži od općinskog načelnika da se riješi problem potpornog zida u ul. Matijevići kod Soce?

13. Traži da se postavi jedno ogledalo na skretanju za Selište u slučaju ako bi se radilo postavljenje ogledala na cestama? Napominje da ima još sličnih problema na regionalnom putu. (Skretanje prije tunela za Stricu i na Šiminom potoku)

Milan Knežević

Na 18. sjednici OV donesen je zaključak da se u roku od 60 dana izvrši uvid na terenu, snimi stanje svih spomenika, spomen-obilježja i potom pripremi prijedlog eventualne sanacije i popravke oštećenih objekata. Napominje da je rok istekao.

14. Zašto nije ništa urađeno u vezi tog Zaključka?

15. Traži da se za narednu sjednicu pripremi realizacija tog Zaključka?

Predsjedavajući OV preuzeo je vođenje sjednice.

Nakon vijećničkih pitanja na raspravu je stavljen zapisnik s 21. sjednice Općinskog vijeća.

Nije bilo primjedbi i predsjedavajući OV stavio je na izjašnjavanje zapisnik, a nakon izjašnjavanja vijećnika konstatirao da je **jednoglasno usvojen zapisnik s 21. sjednice Općinskog vijeća Vareš.**

Na raspravu je stavljen prijedlog dnevnog reda iz poziva za 22. sjednicu OV.

Općinski načelnik Hamdo Fatić – traži da se u dnevni red današnje 22. sjednice OV uvrsti točka „Prijedlog Odluke o povjeravanju na upravljanje i korištenje vodovoda pitke vode Mjesne zajednice Ravne, JKP d.o.o. Vareš“ sa prijedlogom da to bude točka 4. dnevnog reda današnje sjednice.

Otvorena je rasprava o prijedlogu općinskog načelnika.

U raspravi su učestvovali vijećnici: Dženana Bešić, Elvir Rožajac, Džemo Kevrić, Ivan Lučić, Elvir Rožajac, Ismet Abdulahović, Jasmin Salketić, predsjedavajući OV Josip Malbašić, predsjednik kluba HDZ Zdravko Marošević i zamjenik predsjednika MZ Ravne Salih Hrvat.

Nakon zaključene rasprave na glasanje je stavljen prijedlog općinskog načelnika da se u dnevni red 22. sjednice Općinskog vijeća uvrsti točka „Prijedlog Odluke o povjeravanju na upravljanje i korištenje vodovoda pitke vode Mjesne zajednice Ravne, JKP d.o.o. Vareš“.

Nakon izjašnjavanja vijećnika predsjedavajući OV konstatira da sa **8 glasova ZA, 9 glasova PROTIV i 1 SUZDRŽANIM** glasom prijedlog općinskog načelnika **nije usvojen.**

Dženana Bešić – ispred kluba vijećnika SDA predložila je prijedlog uvrštenja rasprave na temu akta građana i Savjeta MZ Dabravine u vezi vodovoda u dnevni red današnje sjednice, da se otvori rasprava i da se donesu zaključci po pomenutom aktu.

Predsjedavajući OV otvorio je raspravu po ovom prijedlogu.

U raspravi su učestvovali vijećnici: Elvir Rožajac, Džemo Kevrić, Ivan Lučić i Ismet Abdulahović.

Predsjedavajući OV zaključio je raspravu i na glasanje stavio prijedlog kluba vijećnika SDA da se u dnevni red 22. sjednice OV uvrsti točka „ Rasprava na temu akta građana i Savjeta MZ Dabravine u vezi vodovoda“.

Nakon izjašnjavanja vijećnika predsjedavajući OV konstatira da sa **10 glasova ZA, 9 glasova PROTIV i 1 SUZDRŽANIM** glasom prijedlog kluba vijećnika SDA **nije usvojen**.

Nije više bilo prijedloga za izmjene i dopune dnevnog reda današnje sjednice i predsjedavajući OV je zaključio raspravu.

Predsjedavajući OV je stavio na glasanje predloženi dnevni red iz poziva za 22.sjednicu OV.

Nakon izjašnjavanja vijećnika konstatira da sa **10 glasova ZA, 3 glasa PROTIV i 7 SUZDRŽANIH** glasova predloženi dnevni red **nije usvojen** i Predsjedavajući OV je u skladu sa Poslovníkom o radu Općinskog vijeća Vareš, konstatirao da se nisu stekli potrebni uvjeti za nastavak sjednice.

Vijeću se obratio Zlatan Musić – regionalni koordinator GAP-a i podsjetio Vijeće da je u dnevnom redu današnje sjednice pod točkom 1. bio Prijedlog Odluke o provođenju općinskog akcijskog plana (MAP) u suradnji s Projektom upravne odgovornosti (GAP). Naglasio je da usvajanje ove tačke dnevnog reda 22. sjednice OV u mjesecu septembru 2010. godine preduslov za nastavak suradnje Općine Vareš sa GAP-om.

Predsjedavajući OV, na zahtjev Općinskog načelnika zakazao je sjednicu Kolegija OV.

NASTAVAK 22. SJEDNICE OPĆINSKOG VIJEĆA ODRŽANE DA 27.10. 2010. GODINE

Nastavak 22. sjednice Općinskog vijeća Vareš, otvorio je predsjedavajući OV s početkom u 9 sati i 15 minuta.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutnih: Nema

Pored vijećnika sjednici prisustvuju: općinski načelnik Hamdo Fatić, tajnik Općinskog vijeća Leon Pavlović, pomoćnici općinskog načelnika, šef odsjeka za financije i računovodstvo Boro Anđić, predsjednici političkih stranaka, direktor JKP d.o.o. Vareš Zafer Kamenjaš, Jelić Tihomir ispred JKP d.o.o Vareš i predsjednik MZ Dabravine Rasim Kamenjaš.

Općinski načelnik Hamdo Fatić izvijestio je Vijeće o aktualnoj problematici na području općine Vareš. Upoznao je Vijeće o toku ugovorenih radova na lokalnim

cestama. Svi ugovori su potpisani za sva sredstva koja su dobivena, izuzev onih sredstava za koje nisu još dobivene odluke (50.000 KM za Očeviju i 60.000 KM za Pomeniće). Napomenuo je da je dio poslova na lokalnom putu Striježovo-Kokošiči uradio „Trgošped“, ostali radovi su u toku i Nadzorni organi će u ovisnosti o vremenskim mogućnostima dozvoljavati da se rade oni poslovi koji nisu vezani za vremenske prilike i da asfaltiranje najvjerojatnije slijedi na proljeće iduće godine. Također je izvijestio Vijeće da je Vlada ZE-DO kantona iz sredstava vodnih naknada donijela odluku da se radi vodovod u MZ Neprivaj u vrijednosti od 90.000 KM za koji je i tender u toku.

Predsjedavajući OV, pozvao je vijećnike koji su dobili odgovore na postavljena vijećnička pitanja na prošloj sjednici, a koji nisu zadovoljni odgovorom, da se izjasne o istim. Nije bilo izjašnjanja .

(Vijećnička pitanja)

Elvir Rožajac

1. Šta se poduzima po pitanju pasa lotalica u gradu?

Milan Knežević

2. Traži da se na narednoj sjednici OV dostave odgovori vijećnicima na postavljena pitanja na 22. sjednici OV od 22.09. 2010. godine?

Ismet Abdulahović

3. Traži da se u MZ Dabravine na području podružnice Hodžići sanira betonski zid koji je oštećen prilikom radova čiji je izvođač bio JKP d.o.o. Vareš. Napominje da je saniranje potrebno hitno izvršiti radi mogućih poplava?
4. Traži od nadležne službe da se postavi jedno ogledalo u ul. Put mira, preko puta zgrade „Elektroprivrede“?

Džemo Kevrić

5. Traži da se lokalni put Striježovo-Kokošiči „zategne“, jer je lošem stanju?

Nakon vijećničkih pitanja na raspravu je stavljen zapisnik s 2. izvanredne sjednice Općinskog vijeća održane 22.09. 2010. godine.

Nije bilo primjedbi i predsjedavajući OV stavio je na izjašnjanje zapisnik, a nakon izjašnjanja vijećnika konstatirao da je **jednoglasno usvojen zapisnik s 2. izvanredne sjednice Općinskog vijeća Vareš.**

Na raspravu je stavljen prijedlog dnevnog reda iz poziva za 22. sjednicu OV.

Vijećnica Dženana Bešić ispred kluba vijećnika SDA – traži da se u dnevni red današnje 22. sjednice OV uvrsti točka „Rasprava o aktualnoj problematici u MZ Dabravine i rješavanje pitanja statusa upravljanja vodovodom u MZ Dabravine.“ sa prijedlogom da to bude točka 1. dnevnog reda današnje sjednice.

Otvorena je rasprava o prijedlogu Kluba vijećnika SDA.

U raspravi su učestvovali vijećnici: Džemo Kevrić, Ismet Abdulahović, Jasmin Salketić, Lučić Ivan, Elvir Rožajac, Jelena Zlobec, Tajiba Brkić, Dženana Bešić, općinski načelnik Hamdo Fatić, predsjedavajući OV Josip Malbašić, predsjednik kluba HDZ Zdravko

Marošević i tajnik OV Leon Pavlović koji je prisutne upoznao sa člankom 80., 81., 82. i 83. Statuta Općine Vareš.

Predsjedavajući OV zaključio je raspravu i na glasanje stavio prijedlog Kluba vijećnika SDA da se u dnevni red 22. sjednice OV uvrsti točka „ Rasprava o aktualnoj problematici u MZ Dabravine i rješavanje pitanja statusa upravljanja vodovodom u MZ Dabravine.“

Nakon izjašnjavanja vijećnika predsjedavajući OV konstatira da je **predloženi prijedlog jednoglasno usvojen.**

Izudin Ibrišimović, vijećnik kluba BPS predložio je prijedlog dopune dnevnog reda današnje sjednice vezano za „Pokretanje stečajnog postupka od strane Općine Vareš, odnosno Općinskog načelnika, protiv Rudnika željezne rude Vareš.

Predsjedavajući OV je konstatirao da prijedlog vijećnika Izudina Ibrišimović nije dopušten u skladu sa članom 78. stav 2. Poslovnika o radu Općinskog vijeća.

Džemo Kevrić ispred kluba vijećnika BPS predložio je prijedlog dopune dnevnog reda današnje sjednice vezano za „Pokretanje stečajnog postupka od strane Općine Vareš, odnosno Općinskog načelnika, protiv Rudnika željezne rude Vareš.

Otvorena je rasprava o prijedlogu Kluba vijećnika BPS.

U raspravi su učestvovali vijećnici: Ivan Lučić, Džemo Kevrić, Izudin Ibrišimović, predsjedavajući OV Josip Malbašić i općinski načelnik Hamdo Fatić.

Predsjedavajući OV zaključio je raspravu i na glasanje stavio prijedlog Kluba vijećnika BPS za uvrštavanje u dnevni red tačke „Pokretanje stečajnog postupka od strane Općine Vareš, odnosno Općinskog načelnika, protiv Rudnika željezne rude Vareš.“

Nakon izjašnjavanja vijećnika predsjedavajući OV konstatira da predloženi prijedlog **sa 4 glasa ZA, 8 glasova PROTIV i 8 SUZDRŽANIH glasova nije usvojen.**

Nije bilo više prijedloga za izmjene i dopune dnevnog reda današnje sjednice i predsjedavajući OV zaključio je raspravu.

Predsjedavajući OV stavio je na glasanje predloženi dnevni red iz poziva za 22.sjednicu OV sa izmjenom.

Nakon izjašnjavanja vijećnika predsjedavajući OV konstatira da je **jednoglasno usvojen**

D n e v n i r e d

- 1. Rasprava o aktualnoj problematici u MZ Dabravine i rješavanje pitanja statusa upravljanja vodovodom u MZ Dabravine.**
- 2. Izvješće/Izvještaj o izvršenju proračuna/budžeta Općine Vareš za period I-VI 2010. godinu.**
- 3. Prijedlog Zaključka o davanju suglasnosti na Odluku o utvrđivanju cijena vode i kanalizacije i visini naknade za priključno mjesto JKP d.o.o. Vareš.**
- 4. Prijedlog Odluke o dopuni Odluke o visini naknade za korištenje građevinskog zemljišta.**
- 5. Prijedlog teksta Autentičnog tumačenja tačke 4., tarifnog broja 4 I Zona Odluke o izmjenama i dopunama Odluke o općinskim komunalnim taksama, broj: 01-62/07 od 29.03.2007. godine.**

6. Izvješće o radu i financijskom poslovanju JPU „Dječiji vrtić“ Vareš za 2009. godinu.
7. Izvješće o realizaciji Programa rada Općinskog vijeća Vareš za prvo polugodište 2010. godine.
8. Dopuna Elaborata o stanju lokalne putne mreže na području općine Vareš i o potrebnim financijskim sredstvima za zimsko i ljetno održavanje cesta.
9. Informacija o provođenju Strategije razvoja Općine Vareš.
10. Informacija o provođenju Odluke o komunalnom redu Općine Vareš za 2009. godinu.
11. Informacija o stanju gradske higijene i prijedlog mjera za poboljšanje iste.
12. Prijedlog Programa financiranja komunalnih djelatnosti za 2011. godinu.
13. Razmatranje akta MZ Pržići i Informacije stečajnog upravnika DP „Rudnik olova, cinka i barita“ u vezi rušenja objekata na Tisovcima.
14. Tekuća pitanja.

A.d.1.

(Rasprava o aktualnoj problematici u MZ Dabravine i rješavanje pitanja statusa upravljanja vodovodom u MZ Dabravine.)

Za riječ se javio Predsjednik MZ Dabravine Rasim Kamenjaš koji je prisutne upoznao sa sadržajem Zapisnika sa sastanka Savjeta MZ Dabravine od 22.10. 2010.godine i dopisom Savjeta MZ Dabravine broj:07-10/10 od 22.10. 2010.godine vezano za ponovnu urgenciju za postupanje po zahtjevu MZ Dabravine od 26.07. 2010. godine u vezi problema oko rješavanja upravljanja vodovodom.

U raspravi po ovoj tački dnevnog reda učestvovali su vijećnici: Elvir Rožajac, Jelena Zlobec, Ismet Abdulahović, Dženana Bešić, Ivan Lučić, Jasmin Salketić, Mato Pavić, Željko Matić, Kenan Kamenjaš, Džemo Kevrić, predsjedavajući OV Josip Malbašić, predsjednik MZ Dabravine Rasim Kamenjaš, direktor JKP d.o.o. Vareš Zafer Kamenjaš, te predsjednik kluba SDP Branko Romić.

Predsjedavajući OV zamolio je vijećnika Džemu Kevrić da napusti sjednicu Vijeća sukladno sa člankom 72. Poslovnika o radu OV zbog povreda reda sjednice OV iz članka 72. stavak 2. Poslovnika o radu Općinskog vijeća.

Vijećnik Džemo Kevrić nije smatrao da je prekršio Poslovnik o radu Općinskog vijeća i odbio je napustiti sjednicu, zbog čega je predsjedavajući OV konstatira da se nisu stekli uvjeti za nastavak sjednice i sukladno sa člankom 74. stavak 2. Poslovnika o radu općinskog vijeća prekinuo 22. sjednicu OV u 12 sati i 10 minuta.

NASTAVAK 22.SJEDNICE OPĆINSKOG VIJEĆA
ODRŽANE DANA 09.11. 2010. GODINE

Nastavak 22. sjednice Općinskog vijeća Vareš, otvorio je predsjedavajući OV s početkom u 9 sati i 15 minuta.

Izvršena je prozivka vijećnika.

Prisutni vijećnici: : Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutna vijećnica: Jelena Kuhač Odenwald

Pored vijećnika sjednici prisustvuju: općinski načelnik Hamdo Fatić, tajnik Općinskog vijeća Leon Pavlović, pomoćnici općinskog načelnika, općinska pravobraniteljica Sanja Pavlić, šef odsjeka za financije i računovodstvo Boro Anđić, predsjednici političkih stranaka, direktor JKP d.o.o. Vareš Zafer Kamenjaš, Angelina Simon i Halima Ahmedović ispred JPU „Dječije Obdanište“ Vareš, predsjednik MZ Dabravine Rasim Kamenjaš, članovi Savjeta MZ Dabravine Nahić Sudo i Salem Kamenjaš, predsjednik MZ Pržići Juro Grabovac, predsjednik MZ Vareš Enver Fetišević, te predstavnici OSCE – terenski ured Zenica Milan Suzić i Maja Barišić.

Predsjedavajući je podsjetio prisutne da se nastavlja rasprava po točki 1. dnevnog reda.

Za riječ se javio član Savjeta MZ Dabravine Nahić Sudo.

Predsjedavajući OV sukladno s člankom 66. točka 4. Poslovnika o radu OV nije mu dopustio da se obarati Vijeću, naglašavajući da je na sjednicu OV pozvan predsjednik MZ Dabravine Rasim Kamenjaš koji je već imao obraćanje na prošloj sjednici OV po ovoj točki dnevnog reda.

Nastavljena je rasprava u kojoj su učestvovali vijećnici: Elvir Rožajac, Džemo Kevrić, Majda Muftić, Jelena Zlobec, Ivan Lučić, Ismet Abdulahović, Dženana Bešić, predsjedavajući OV Josip Malbašić i općinski načelnik Hamdo Fatić.

Zaključena je rasprava uz konstataciju predsjedavajućeg OV da na izvjestan način koincidiraju prijedlozi predloženi u raspravi od strane općinskog načelnika, predsjednika Kluba vijećnika SDP Ivana Lučića i predsjednice Kluba vijećnika SDA Dženane Bešić.

Predsjedavajući OV stavio je na izjašnjanje prijedlog Kluba vijećnika SDA

- Da se u poslovnički propisanoj proceduri za narednu sjednicu OV pripremi Prijedlog Odluke o stavljanju van snage Odluke o povjeravanju na upravljanje i korištenje vodovoda pitke vode Mjesne zajednice Dabravine Javnom komunalnom preduzeću d.o.o. Vareš, broj:01-217/09 od 08.10. 2009. godine.

Nakon izjašnjanja predsjedavajući OV konstatira da je predloženi prijedlog Zaključka **jednoglasno usvojen.**

A.d. 2

(Izvješće/Izvještaj o izvršenju proračuna/budžeta Općine Vareš za period I-VI 2010. godine)

Komisija za privredu, financije i budžet na 9. sjednici održanoj 07.09.2010. godine nije prihvatila Izvještaj. Na sjednici je donesen zaključak kojim se predlaže OV održavanje Tematske sjednice OV sa točkom dnevnog reda. „Stanje financija Općine Vareš, saniranje gubitka i način trošenja budžetskih sredstava za period 2006-2010 godina.“

Ispred predlagača Boro Anđić – šef odsjeka za financije i računovodstvo, obratio se Vijeću po ovoj točki dnevnog reda.

Otvorena je rasprava u kojoj su učestvovali vijećnici: Ivan Lučić, Elvir Rožajac, Džemo Kevrić, predsjedavajući OV Josip Malbašić, općinski načelnik Hamdo Fatić i predsjednik stranke SDA Sadudin Numanović.

Zaključena je rasprava i predsjedavajući OV stavio je na glasanje Prijedlog Komisije za privredu, financije i proračun **da se održi Tematska sjednica OV na temu „Stanje financija Općine Vareš, saniranje gubitaka i način trošenja proračunskih sredstava za period 2006-2010 godina sa dopunom da se pripreme za Tematsku sjednicu izvrše do travnja mjeseca 2011. godine i da se sjednica održi u TRAVNJU 2011. godine.**

Nakon izjašnjavanja vijećnika, predsjedavajući konstatira da ja sa **15 glasova ZA i 5 glasova PROTIV** prijedlog Komisije za privredu, financije i budžet **usvojen.**

Predsjedavajući OV stavio je glasanje Izvješće/Izvještaj o izvršenju proračuna/budžeta Općine Vareš za period I-VI 2010. godinu.

Nakon izjašnjavanja vijećnika predsjedavajući konstatira da sa **8 glasova ZA, 3 glasa PROTIV i 9 SUZDRŽANIH glasova nije usvojeno**

Izvješće/Izvještaj o izvršenju proračuna/budžeta Općine Vareš za period I-VI 2010. godinu

Predsjedavajući OV stavio je na glasanje prvi predloženi prijedlog zaključka vijećnika Ivana Lučića **da se za narednu sjednicu pripremi Program sanacije budžeta.**

Nakon izjašnjavanja vijećnika predsjedavajući konstatira da je predloženi Zaključak **jednoglasno usvojen.**

Na glasanje je stavljen drugi predloženi prijedlog Zaključka vijećnika Ivana Lučića **da se pripremi Izvještaj o razlozima katastrofalnog punjenja budžeta općine Vareš po općinskim propisima.**

Nakon izjašnjavanja vijećnika predsjedavajući konstatira da je predloženi Zaključak sa **17 glasova ZA i 3 SUZDRŽANA glasa usvojen.**

A.d. 3.

(Prijedlog Zaključka o davanju suglasnosti na Odluku o utvrđivanju cijena vode i kanalizacije i visini naknade za priključno mjesto JKP d.o.o. Vareš)

Predlagač - direktor JKP d.o.o. Vareš Zafer Kamenjaš obratio se Vijeću sa obrazloženjem i predložio da se ova tačka povuče sa dnevnog reda današnje sjednice dok se ne donese Odluka o izmjeni Odluke o kalkulativnim parametrima.

Otvorena je rasprava u kojoj su sudjelovali vijećnici: Ivan Lučić, Dženana Bešić, Elvir Rožajac, Džemo Kevrić, predsjedavajući OV Josip Malbašić, općinski načelnik Hamdo Fatić i predsjednik HDZ Zdravko Marošević.

Nakon zaključene rasprave, predsjedavajući OV predložio je da se prihvati prijedlog da se povuče materijal pod točkom 3. dnevnog reda današnje sjednice i predložio **Z a k l j u č a k** :

- Obavezuje se općinski načelnik da za redovnu sjednicu OV, koja će se održati krajem novembra mjeseca tekuće godine, pripremi Prijedlog Odluke o izmjeni Odluke o kalkulativnim parametrima i u skladu sa Poslovníkom o radu OV blagovremeno provedu sve potrebne procedure.

Nakon izjašnjavanja vijećnika, predsjedavajući OV konstatira da je predloženi Zaključak **jednoglasno usvojen**.

A.d. 4.

(Prijedlog Odluke o dopuni Odluke o visini naknade za korištenje građevinskog zemljišta)

Komisija za statutarna pitanja i propise nije imala primjedbi, jednoglasno je prihvaćen prijedlog Odluke.

Predlagač nije imao dodatna obrazloženja.

Po ovoj točki dnevnog reda nije bilo rasprave i predsjedavajući OV stavio je na glasanje Prijedlog odluke o dopuni Odluke o visini naknade za korištenje građevinskog zemljišta.

Nakon izjašnjavanja vijećnika, predsjedavajući OV konstatira da je **jednoglasno usvojena**

Odluka o dopuni Odluke o visini naknade za korištenje građevinskog zemljišta.

A.d. 5.

(Prijedlog teksta Autentičnog tumačenja tačke 4., tarifnog broja 4 I Zona Odluke o izmjenama i dopunama Odluke o općinskim komunalnim taksama, broj: 01-62/07 od 29.03.2007. godine.)

Komisija za statutarna pitanja i propise jednoglasno je utvrdila prijedlog teksta Autentičnog tumačenja.

Predlagač nije imao dodatna obrazloženja.

Po ovoj točki dnevnog reda nije bilo rasprave i predsjedavajući OV stavio je na glasanje Prijedlog teksta Autentičnog tumačenja tačke 4., tarifnog broja 4 I Zona Odluke o izmjenama i dopunama Odluke o općinskim komunalnim taksama, broj: 01-62/07 od 29.03. 2007. godine.

Nakon izjašnjavanja vijećnika, predsjedavajući OV konstatira da je **jednoglasno usvojen**

Tekst Autentičnog tumačenja tačke 4., tarifnog broja 4 I Zona Odluke o izmjenama i dopunama Odluke o općinskim komunalnim taksama, broj: 01-62/07 od 29.03.2007. godine.

A.d. 6.

(Izveštaj o radu i financijskom poslovanju JPU „Dječiji vrtić“ Vareš za 2009. godinu.)

Predlagač nije imao dodatna obrazloženja.

Otvorena je rasprava u kojoj su učestvovali općinski načelnik Hamdo Fatić i predsjedavajući OV Josip Malbašić koji je predložio Z a k l j u č k e:

1. Obavezuje se općinski načelnik i Upravni odbor JPU „Dječiji vrtić“ Vareš da hitno raspišu konkurs za prijem stručnog osoblja u mjeri u kojoj je to potrebno i direktora JPU.

2. Da se u prijedlogu budžeta za 2011. godinu osiguraju financijska sredstva koja bi omogućila adekvatan rad JPU „Dječiji vrtić“ Vareš.

Zaključena je rasprava i predsjedavajući OV stavio je na glasanje Izveštaj o radu i financijskom poslovanju JPU „Dječiji vrtić“ Vareš.

Nakon izjašnjavanja vijećnika predsjedavajući konstatira da sa **10 glasova ZA i 10 glasova PROTIV nije usvojeno**

Izvešće o radu i financijskom poslovanju JPU „Dječiji vrtić“ Vareš za 2009. godinu.

Predsjedavajući OV stavio je na glasanje predložene zaključke i nakon izjašnjavanja vijećnika konstatira da su sa **11 glasova ZA i 9 SUZDRŽANIH glasova predloženi zaključci usvojeni.**

A.d. 7.

(Izvešće o realizaciji Programa rada Općinskog vijeća Vareš za prvo polugodište 2010. godine.)

Tajnik OV Leon Pavlović obrazložio je ovu točku dnevnog reda.

Otvorena je rasprava u kojoj su učestvovali vijećnici: Ismet Abdulahović, Džemo Kevrić, Ivan Lučić, Elvir Rožajac, Nikola Šimić, Milan Knežević, Dženana Bešić, predsjedavajući OV Josip Malbašić i tajnik OV Leon Pavlović,

Zaključena je rasprava i predsjedavajući OV Stavio je na glasanje Izvješće o realizaciji Programa rada Općinskog vijeća za prvo polugodište 2010. godine sa tri (3) Zaključka predložena u Izvještaju.

1. Kolegij i Općinsko vijeće će pratiti i insistirati na provođenju devet (9) Zaključaka Općinskog vijeća koji su doneseni na 16. sjednici održanoj 04.03. 2010. godine.
2. Kolegij OV u Programu rada za 2011. godinu, će planirati i pristupiti izradi Odluke o izmjenama i dopunama Poslovnika o radu OV, jer se kroz dosadašnji rad i iskustvo došlo do spoznaje da neka pitanja odnosa OV i Općinskog načelnika nisu precizirana u pogledu odgovornosti za provođenje Odluka i Zaključaka OV, kao i postupak - procedure razmatranja akata koje ovlašteni predlagač – Općinski načelnik dostavlja Vijeću na razmatranje i usvajanje.
3. Da Kolegij Općinskog vijeća pripremi i dostavi Općinskom vijeću Informaciju o izvršavanju zaključaka Općinskog vijeća za 2010. godinu i provođenje instituta „Vijećnička pitanja“- s pitanjem „Zašto se ne odgovara na vijećnička pitanja“?

Nakon izjašnjavanja vijećnika predsjedavajući konstatira da je sa predloženim Zaključcima **jednoglasno usvojeno**

***Izvješće o realizaciji Programa rada Općinskog vijeća
Vareš za prvo polugodište 2010. godine***

Predsjedavajući OV stavio je na glasanje prijedlog zaključka vijećnika Ivana Lučića

4. Da se za sjednicu OV koja će se održati u decembru mjesecu tekuće godine pripremi Informacija o nerealizovanim Zaključcima OV i neodgovorenim vijećničkim pitanjima sa obrazloženjem nerealizovanja istih za 2009. i 2010. godinu.

Nakon izjašnjavanja vijećnika predsjedavajući OV konstatuje da je predloženi Zaključak **jednoglasno usvojen.**

A.d. 8.

*(Dopuna Elaborata o stanju lokalne putne mreže na području
Općine Vareš i o potrebnim finansijskim sredstvima za zimsko
i ljetno održavanje cesta.)*

Predlagač nije imao dodatna obrazloženja.

Otvorena je rasprava u kojoj su učestvovali vijećnici: Elvir Rožajac, Džemo Kevrić, Tajiba Brkić, Željko Matić, Ivan Lučić, Mato Pavić, općinski načelnik Hamdo Fatić i predsjedavajući OV Josip Malbašić koji je podsjetio općinskog načelnika i nadležne Službe da vode računa o Zaključcima koje je donijelo OV vezano za ovaj kompletan materijal.

Zaključena je rasprava i predsjedavajući OV stavio je na glasanje Dopunu Elaborata o stanju lokalne putne mreža na području općine Vareš i o potrebnim finansijskim sredstvima za zimsko i ljetno održavanje cesta.

Nakon izjašnjavanja vijećnika predsjedavajući OV konstatira da je **jednoglasno usvojena**

Dopuna Elaborata o stanju lokalne putne mreže na području Općine Vareš i o potrebnim financijskim sredstvima za zimsko i ljetno održavanje cesta.

A.d.9.

(Informacija o provođenju Strategije razvoja Općine Vareš.)

Predlagač nije imao dodatna obrazloženja.

Otvorena je rasprava u kojoj je učestvovao vijećnik Ivan Lučić.

Zaključena je rasprava i predsjedavajući OV stavio je na glasanje Informaciju o provođenju Strategije razvoja Općine Vareš.

Nakon izjašnjavanja vijećnika konstatira da sa **1 glasom PROTIV i 19 SUZDRŽANIH** glasova **nije usvojena**

Informacija o provođenju Strategije razvoja Općine Vareš

A.d. 10

(Informacija o provođenju Odluke o komunalnom redu Općine Vareš za 2009. godinu)

Predlagač nije imao dodatna obrazloženja.

Otvorena je rasprava u kojoj su učestvovali vijećnici: Elvir Rožajac, Ivan Lučić i Ismet Abdulahović koji je predložio da se uradi dopuna Informacije.

Zaključena je rasprava i predsjedavajući OV stavio je na glasanje Informaciju o provođenju Odluke o komunalnom redu Općine Vareš za 2009. godinu sa Zaključkom na osnovu sprovedene rasprave:

- Da se za narednu sjednicu OV pripremi dopuna Informacije vezano za podatke o podnesenim prijavama.

Nakon izjašnjavanja vijećnika predsjedavajući OV konstatira da je uz predloženi Zaključak **jednoglasno usvojena**

Informacija o provođenju Odluke o komunalnom redu Općine Vareš za 2009. godinu.

A.d. 11.

(Informacija o stanju gradske higijene i prijedlog mjera za poboljšanje iste.)

Predlagač nije imao dodatna obrazloženja.

Otvorena je rasprava u kojoj su učestvovali vijećnici: Ivan Lučić, Elvir Rožajac, Mato Pavić, Tajiba Brkić, Nikola Šimić, Milan Knežević, predsjedavajući OV Josip Malbašić, općinski načelnik Hamdo Fatić, pom. načelnika Ermin Musa.

Zaključena je rasprava i predsjedavajući OV stavio je na glasanje Informaciju o stanju gradske higijene i prijedlog mjera za poboljšanje iste uz zaključak **da se za narednu sjednicu OV dostavi dopuna Informacije vezano za Prijedlog programa mjera za poboljšanje gradske higijene, pošto nedostaje u cijelosti.**

Nakon izjašnjavanja vijećnika predsjedavajući OV konstatira da je uz predloženi Zaključak **jednoglasno usvojena**

***Informacija o stanju gradske higijene i
prijedlog mjera za poboljšanje iste***

A.d.12.

***(Prijedlog Programa financiranja komunalnih
djelatnosti za 2011. godinu.)***

Stav Komisije za statutarne pitanja i propise je

-da se u preambuli ispred teksta „članka 19. Odluke o komunalnom redu br. 01-100/10 od 05.05. 2010. godine“ navede „članka 22. Statuta Općine Vareš, broj: 01-25/09 od 29.01. 2009. godine, i „, ostali tekst ostaje isti.

-da u konačnom Prijedlogu Programa, predlagač otkloni tehničke i brojčane greške koje su prisutne u tekstu.

Komisija je uz navedene izmjene jednoglasno prihvatila Prijedlog Programa.

Komisija za privredu, financije i proračun jednoglasno je prihvatila Prijedlog Programa uz Zaključak da se izvrši ispravka tehničkih i brojčanih grešaka u Prijedlogu.

U ime predlagača, pom. načelnika Ermin Musa obrazložio je ovu točku dnevnog reda vezano za tehničke i matematičke greške u Prijedlogu Programa.

Otvorena je rasprava u kojoj su učestvovali vijećnici: Džemo Kevrić, Ivan Lučić, Mato Pavić, Elvir Rožajac, predsjedavajući OV Josip Malbašić i općinski načelnik Hamdo Fatić.

Zaključena je rasprava i predsjedavajući OV stavio je na glasanje Prijedlog Programa financiranja komunalnih djelatnosti za 2011. godinu i predloženi prijedlog Zaključaka Kluba BPS – **da se za narednu sjednicu OV uz poziv svim vijećnicima dostavi tekst Programa sa ispravljenim tehničkim i brojčanim greškama.**

Nakon izjašnjavanja vijećnika predsjedavajući konstatuje da je **jednoglasno usvojen predloženi Zaključak i**

***Program financiranja komunalnih
djelatnosti za 2011. godinu.***

A.d. 13.

(Razmatranje akta MZ Pržići i Informacije stečajnog upravnika DP „Rudnik olova, cinka i barita“ u vezi rušenja objekta na Tisovcima)

Predsjednik MZ Pržići Juro Grabovac imao je obraćanje po ovoj točki dnevnog reda.

Otvorena je rasprava u kojoj su učestvovali vijećnici: Elvir Rožajac, Dženana Bešić, Mario Mirčić, Džemo Kevrić, predsjedavajući OV Josip Malbašić i općinski načelnika Hamdo Fatić.

Zaključena je rasprava i predsjedavajući OV stavio je na glasanje predložene Zaključke :

- 1. Da Općinski načelnik nastavi dalje aktivnosti vezane za suradnju sa Ministarstvom turizma i okoliša oko rješavanja problema otrovnih materija na ovom lokalitetu.**
- 2. Da se uvede stalni monitoring od strane Službe civilne zaštite Općine Vareš na praćenju stanja obodnih kanala u Maloj Rijeci.**
- 3. Da se traže sredstva kod viših razina Vlasti za sanaciju jezera u Maloj Rijeci.**

Nakon izjašnjavanja vijećnika predsjedavajući OV konstatira da su predloženi Zaključci **jednoglasno usvojeni.**

A.d. 14.

(Tekuća pitanja)

1. Predsjedavajući OV upoznao je vijećnike sa sadržajem Obavijesti broj: 188/10 od 04.08. 2010. godine, upućenog Općinskom vijeću Vareš od strane direktorice JP Vareš-stan Željke Petrović u kome gore imenovana traži javno izvinjenje predsjedavajućeg OV Josipa Malbašića.

Predsjedavajući OV iznio je svoje mišljenje i lični stav po ovom pitanju.

U raspravi je učestvovao vijećnik Ivan lučić.

Nakon zaključene rasprave, vijećnici su se izjasnili (**17 glasova ZA i 2 SUZDRŽANA glasa**) da su Obavijest „primili k znanju“.

2. Predsjedavajući OV upoznao je sa sadržajem dopisa „Udruženja građana penzionera-umirovljenika općine Vareš“, broj: 42-29/2010 od 06.09. 2010.godine u kome se obraćaju Općinskom vijeću i Općinskom načelniku sa molbom pomoći u rješavanju problema oko rješavanja problema oko snabdijevanja članstva sa ogrjevnim drvetom.

U raspravi su učestvovali predsjedavajući OV Josip Malbašić i vijećnik Kenan Kamenjaš.

Nakon zaključene rasprave predsjedavajući OV stavio na glasanje predloženu Preporuku:

- Sugeriše se Udruženju građana penzionera-umirovljenika da ubuduće ugovore o isporuci zimnice ogrijeva, prave u suradnji sa PJ „Šumarija“ Vareš.

Nakon izjašnjavanja vijećnika predsjedavajući OV konstatira da je predložena preporuka **jednoglasno usvojena.**

3. Predsjedavajući OV upoznao je vijećnike sa sadržajem Obavijesti broj: 08-03/1-1-04-1-1825-5/10 od 08.09. 2010. godine, upućenog Općinskom vijeću od strane Ministarstva unutrašnjih poslova ZE-DO kantona – Jedinica za profesionalne standarde, vezano za dopis koji im je dostavljen od strane Komisije za nadzor rada policije, koji se odnosi na problematiku devastiranja regionalnog puta R-444 i lokalnih cesta na području MZ Vijaka i uništavanja okoliša na navedenom prostoru, od strane poduzeća koja vrše sječu šumskih sortimenata.

U raspravi su učestvovali vijećnik Željko Matić, koji je prisutne izvijestio da je sadašnje stanje još i gore, vezano za naprijed navedene probleme i predsjedavajući OV Josip Malbašić koji je predložio da se ponovo uputi dopis i traži ponovna intervencija i pojačana aktivnost.

4. Predsjedavajući OV upoznao je vijećnike sa sadržajem pisma roditelja učenika V, VI, i VII razreda devetogodišnjeg obrazovanja čija djeca nastavu pohađaju na hrvatskom jeziku u OŠ „Vareš“ u Varešu, u kome navode problem ni u jednoj knjižari u BiH ne mogu nabaviti adekvatne udžbenike i priručnike sa svoju djecu.

Vijeću se obratio pom. načelnika Rusmir Berberović koji je ujedno i koordinator ove aktivnosti i prisutne je upoznao da se ovaj problem ponavlja već tri godine i da je urađen dopis prema Kantonalnom Ministarstvu obrazovanja, sporta i kulture. Sa sadržajem dopisa upoznao je prisutne.

Predsjedavajući OV predložio je da Općinsko vijeće odobri suglasnost da dopis općinskog načelnika sa upoznatim sadržajem, i da isti potpiše i predsjedavajući OV ispred Općinskog vijeća Vareš.

Otvorena je rasprava u kojoj su učestvovali vijećnici: Mato Pavić i Ivan Lučić.

Predsjedavajući OV stavio je na glasanje prijedlog Zaključaka predloženog u raspravi:

- Općinsko vijeće je suglasno sa navodima dopisa Općinskog načelnika i podržava zahtjeve roditelja učenika.

Nakon izjašnjavanja vijećnika predsjedavajući OV konstatira da je predloženi Zaključak **jednoglasno usvojen.**

5. Predsjedavajući OV upoznao je vijećnike sa sadržajem dopisa MZ Očevija, broj: 142/10 od 21.09. 2010. godine, u vezi održavanja tunela na regionalnom putu R-444.

Otvorena je rasprava u kojoj je učestvovao vijećnik Ivan Lučić koji je predložio Zaključak:

- Da se nadležnoj Kantonalnoj Direkciji za ceste uputi dopis i da se zahtjeva da izade na lice mjesta sa predstavnikom Općine Vareš, da se konstatira stanje i donesu mjere i da se s tim upozna Općinsko vijeće.

Zaključena je rasprava i predsjedavajući OV stavio je na glasanje predloženi Zaključak uz napomenu da se obavezuje općinski načelnik da po okončanju posla, pismeno izvijesti Općinsko vijeće.

Nakon izjašnjavanja vijećnika predsjedavajući OV konstatira da je predloženi Zaključak **jednoglasno usvojen.**

6. Predsjedavajući OV upoznao je vijećnike da su stanovnici iz Vareša, ul. Matijevići, uputili Zahtjev Općinskom vijeću i Općinskom načelniku, vezano za rekonstrukciju zida iznad rijeke Stavnje u ul Matijevići.

Za riječ se javio općinski načelnik i prisutne izvijestio da je nalog za izvođenje radova dat JKP d.o.o. Vareš, potpisan je predmjer i u narednih deset dana radovi na rekonstrukciji zida trebali bi biti gotovi.

7. Predsjedavajući OV upoznao je vijećnike da je OSCE Terenski ured Zenica uputio Općinskom vijeću Obavijest o pozivu na TRENING O PARLAMENTARNIM PROCEDURAMA u organizaciji Misije OSCE-a u Zenici, koji će se održati 22. novembra 2010. godine u velikoj Sali Općine Vareš. Sa sadržajem dnevnog reda treninga, predsjedavajući OV upoznao je prisutne.

O prisustvu na trening, potrebno je do 15.11. 2010. godine obavijestiti sekretara OV Leona Pavlović.

8. Predsjedavajući OV upoznao je vijećnike sa sadržajem dopisa MZ Strica-Zaruđe, broj: 014/10 od 12.10. 2010. godine u vezi saniranja i proširenja mostova na dionici puta od Banja (tunela) prema MZ Strica-Zaruđe i postavljanja zaštitne ograde.

U raspravi su učestvovali predsjedavajući OV Josip Malbašić i općinski načelnik Hamdo Fatić koji je prisutne izvijestio da ostaje da radimo i planiramo sredstva. Na proljeće naredne godine trebalo bi pokušati proširiti mostove, jer za te radove potrebne su veće investicije, a postavljanje zaštitne ograde planira da se uradi u narednih nekoliko dana.

9. Predsjedavajući OV upoznao je vijeće sa sadržajem dopisa Agencije za privatizaciju upućenog Općinskom vijeću i Općinskom načelniku, broj: 15-05-701/10 od 25.10. 2010. godine u kome traže da im se odgovori kakve su aktivnosti poduzete po pitanju izuzimanja državnog kapitala iz procesa privatizacije JP „Veterinarska stanica“ d.o.o. Vareš.

Općinski načelnik izvijestio je vijeće da se nisu stekli uvjeti za pokretanje procesa privatizacije.

Shodno tome predsjedavajući OV predložio je Zaključak koji je stavio na glasanje.

- Obavezuje se općinski načelnik da uputi zvanični odgovor Agenciji za privatizaciju ZE-DO kantona u kome će ih izvijestiti da se nisu stekli uvjeti za pokretanje postupka privatizacije JP „Veterinarska stanica“ d.o.o. Vareš.

Nakon izjašnjavanja vijećnika predsjedavajući OV konstatira da je predloženi Zaključak **jednoglasno usvojen.**

10. Predsjedavajući OV izvijestio je vijećnike da je Općinskom vijeću upućen dopis od strane Udruženja građana sportskih ribolovaca „Vareš“ Vareš i Udruženja građana sportsko ribolovno društvo „Breza“ Breza.

Dopis Sportskog ribolovnog društva Vareš“ dostavljen je Općinskom vijeću na znanje, a upućeno je nadležnom Ministarstvu za poljoprivredu, šumarstvo i vodoprivredu ZE-DO kantona. U dopisu upozoravaju na njima neadekvatne rezultate studije Elaborata koje su prethodile proceduri za izdavanje suglasnosti i dozvola za izgradnju mini-hidro elektrana .

Sa sadržajem dopisa Sportskog ribolovnog društva „Breza“, predsjedavajući OV upoznao je vijećnike.

Predsjedavajući OV predložio je Vijeću da se uputi odgovor Sportskom ribolovnom društvu „Breza“ sa sadržajem – **da Općinsko vijeće Vareš nije nadležno za izdavanje dozvola za izgradnju MHE i da ih uputi, da svoj dopis dostave Ministarstvu za poljoprivredu, šumarstvo i vodoprivredu ZE-DO kantona.**

Nakon izjašnjavanja vijećnika, predsjedavajući OV konstatira da je sa **15 glasova ZA i 4 SUZDRŽANA glasa prijedlog usvojen.**

11. Vijećnik Džemo Kevrić traži da Općinsko vijeće odredi komisiju ispred Vijeća koja bi imala zadatak da izađe na teren, utvrdi činjenično stanje na lokalnom putu Striježevo-Kokošćići i da se pristupi saniranju puta.

Predsjedavajući OV izvijestio je prisutne da spomenuti problem nije u nadležnosti Vijeća bez saradnje Općinskog načelnika.

Općinski načelnik Hamdo Fatić dao je odgovor da ubrzo kreću radovi na asfaltiranju i da nakon toga slijedi sanacija preostalog dijela lokalnog puta Striježevo-Kokošćići.

Predsjedavajući OV Josip Malbašić čestitao svim vijećnicima građanima Islamske vjeroispovjedi predstojeći Blagdan Kurban Bajram.

Sjednica je završena u 15, 35 sati.

S E K R E T A R

Leon Pavlović

PREDSJEDAVALAČI

Josip Malbašić

ZAPISNIČAR

Azra Ibrahimović